

Evening Dogri News Bulletin, 25 April 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 जम्मू-रियासी संसदीय हल्के च कल होने आहले चुनां लेई सब्बै बंदोबस्त पूरे, इस हल्के लेई प्रचार अभियान कल खत्म होई गेआ हा।
- 2 जम्मू-रियासी संसदी हल्के लेई चुनावी अमले गी उंदे सरबंधत मतदान केंद्रें पर भेजी दिता गेआ ऐ।
- 3 राश्ट्री सुरक्षा सलाहकार अजीत डोभाल होरें जोर देइयै आखेआ ऐ जे भारत आतंकवादी गतिविधिएं लेई जारी होने आले रपे पैसे दा बरोध करने लेई आतंकवादिएं ते अपराधिएं आस्सेआ सूचना ते संचार तकनीकें दे माड़े इस्तेमाल गी रोकने च सैहयोग देना जारी रक्खोग।
- 4 सूचना प्रसारण मंत्रालय दे संयुक्त सचिव ते TRAI दे चेयरमैन होरें मुम्बई च AVIA future of video India conference दा उद्घाटन कीता।

<><><><><><>

2nd Phase

जम्मू-रियासी संसदी हल्के च कल होने आले मतदान लेई सब्बै तैयारियां पूरी करी लैती गेदियां ना। आकाशवाणी दे जम्मू संवाददाता मुजब जम्मू दे जिला मैजिस्ट्रेट होरें जिले च बंदिश आले हुकम नाफज कीते दे ना। प्रशासन नै गड़बड़ी दी शैंका आले सब्बनें इलाकें च केंद्री थेहारबंद पुलस बलें ते जम्मू-कश्मीर पुलस दी तैनाती कीती दी ऐ। मतदान शा पैहले सब्बनें मतदान केंद्रें गी तैयार कीता जा रदा ऐ। जम्मू सीट लेई मतदान दी लाइव वेबकास्टिंग आस्तै तकरीबन 1 ज्हार 454 मतदान केंद्रें पर सी.सी.टी.वी कैमरे लाए गेदे ना। इनें कैमरें गी इस चाल्ली कन्नै लाया गेदा ऐ जे इंदे राहें मतदान दी गोपनियता प्रभावित नेई होऐ। चुनावी अमले दिएं तकरीबन 2 ज्हार गड्डिं गी जी.पी.एस प्रणाली कन्नै लैस कीता गेदा ऐ। एहदे अलावा 13 मतदान केंद्र नेय इलाकें च खडरे गेदे न जित्ये संचार सुविधाएं दा त्रोड़ा ऐ। नेय इलाकें च सैटेलाईट फोन, वायरलैस सेट ते स्पेशल रनर्स वगैरा दा प्रबंध रक्खेआ गेदा ऐ। चुनावी गतिविधिएं पर तक्क रक्खने ते आदर्श आचार संहिता दी पालमा जकीनी बनाने आस्तै मुख्ब चुनांऽ अधिकारी हुंदे दफ्तर च इक कमान ते नियंत्रण कक्ष खडरेया गेदा ऐ जदके सब्बनें जिला चुनां अधिकारिं दे दफ्तरें च नेया गै इक लौहका नियंत्रण कक्ष कायम कीता गेदा ऐ ते एहू केंद्र हर रोज दिन रात कम्म करै करदे ना। जम्मू-कश्मीर दे मुख्ब चुनां अधिकारी पी.के पाले होर दुए गेड़ दे चुनां लेई सब्बनें बंदोबस्तें दी निगरानी करै करदे ना। जम्मू-रियासी लोकसभा सीट लेई कुल 22 मेदवार चुनां मैदान च ना। इस हल्के लेई कुल 2 ज्हार 416 मतदान केंद्र बनाए गेदे न जिंदे चा 158 अंतरराश्ट्रीय बन्ने ते कब्जा रेखा कश बनाए गेदे ना। इस हल्के लेई कुल 17 लक्ख 81 ज्हार योग्य मतदाता न जिंदे च 9 लक्ख 21 ज्हार 95 मर्द, 8 लक्ख 59 ज्हार 72 महिलां ते 28 ट्रांसजेंडर शामिल ना। मतदान गी बवस्थित ते सुरक्षित ढंगै नै करोआने लेई सब्बै बंदोबस्त कीते गेदे ना।

<><><><><><>

Polling-Parties

मतदाताएं अमले नै एम.ए.एम कालेज जम्मू थवां ईवीएम लैतियां ते मतदान केंद्रें आली भेठा रवाना होई गेइयां। इस दौरान कर्मचारिं च बड़ा मता उत्साह दिक्खने गी लब्भा। इस मौके पर मीडिया आलें कन्नै गल्ल करदे होई जम्मू-कश्मीर दे मुख्ब चुनां अधिकारी पी.के पोले होरें आखेआ।

<><><><><><>

Polling Reasi

383 मतदान पार्टियां जेदे च 9 ज्हार कर्मचारी शामिल हे, अज्ज रियासी जिले थवां अपने अपने मतदान केंद्रें लेई रवाना होए। इस हल्के च कल यानि 26 अप्रैल गी मतदान होना ऐ। स्हाड़े जिला संवाददाता कन्नै गल्ल करदे होई जिला चुनां अधिकारी विशेष महाजन होरें आखेआ।

<><><><><><>

Poll Parties Samba

जम्मू रियासी साम्बा लोकसभा सीट पर कल मतदान होना ऐ। सांबा जिले च बी इस लेई पुख्ता बंदोबस्त कीते गेदे ना। मतदान अमले गी सारे 365 मतदान केंद्रें पर भेजेया गेआ। सांबा दे जिला चुनां अधिकारी अभिषेक शर्मा होरें इनें गड्डिएं ते सरबंधी अमले गी झंडी दस्सिए रवानाक कीता। उनें आखेआ।

सांबा जिले च 9 पिंक, 3 ग्रीन, दिव्यांग लोकें लेई 3, युवाएं लेई त्रै अनौखे ते बन्ने आले इलाकें च 12 मतदान केंद्र कायम कीते गेदे ना। होर जानकारी स्हाड़े जिला संवाददाता थवां।

<><><><><><>

DEO Reasi Appeal

रियासी दे जिला चुनां अधिकारी विशेष महाजन होरें मुतलका मैहकमें गी अपील कीती ऐ जे ओह जिले दे सारे 425 मतदान केंद्रें पर लोडचदियां बुनियादी सहूलतां यकीनी बनाना। लोकसभा चुनां दे दुए गेड तैहत कल मतदान होना ऐ। मतदान केंद्रें दे अपने दौरे दौरान उनें सारे नोडल ते होरनें सरबंधी अफसरें गी चुनावी प्रक्रिया बारै खरी चाल्ली अवगत करी लैन तां जे आजाद, निरपक्ख ते सुचारू ढंगै सिर चुनां प्रक्रिया पूरी होई सकै। स्हाड़े जिला संवाददाता देवेन्द्र ठाकुर नै जिला चुनां अफसर विशेष महाजन हुंदे कन्नै गल्ल कीती। उनें आखेआ।

<><><><><><>

Reasi-Flag March

कल होने आले लोकसभा चुनावें थवां पैहले पुलस ते नीम फौजी बलें आस्सेआ रियासी कस्बे दी बक्ख-बक्ख थाहरें पर फ्लैग मार्च कीता गेआ। एहदा मकसद आम लोकें च सुरक्षा दी भावना पैदा करना ते निरपक्ख चुनां प्रक्रिया गी लेइए मतदाताएं च भरोसा पैदा करना ऐ। एसएसपी रियासी मोहिता शर्मा होरें इस बारै गलाया।

<><><><><><>

First Time Voter

कल होने आले लोकसभा चुनावें दे मद्देनजर पैहली बारी मतदान करने आलिये कुडिये च खासा उत्साह ऐ। समाचार कक्ष कन्नै गल्ल करदे होई इनें कुडिये आखेआ जे ओह मतदान करने गी लेइए बड़ी उत्साहित न ते उनें आखेआ जे सब्बनें गी मतदान करना लोडचदा।

<><><><><><>

Doval-Russia

राष्ट्रीय सुरक्षा सलाहकार अजीत डोभाल होरें जोर देइयै आखेआ ऐ जे भारत आतंकवादी फंडिंग दा बरोध करने लेई आतंकवादिये ते अपराधिये आस्सेआ सूचना ते संचार तकनीके दे माडे इस्तेमाल गी रोकने च सहयोग करना जारी रक्खोग। श्री डोभाल होरें रूस दे सेंट पीअर्सबर्ग च सुरक्षा मामलें लेई जिम्मेदार उच्च स्तर दे अधिकारिये दी 12मीं अंतर्राष्ट्रीय बैठक च हिस्सा लेंदे होई एह गल्ल आक्खी। इस मौके पर डोभाल होरें समावेशी आर्थिक विकास लेई डिजिटल तकनीक दा इस्तेमाल करने दी भारत दी नीति पर लोऽ पाई। उनें सूचना सुरक्षा जकीनी बनाने लेई इक खुल्ले, स्थिर, सुरक्षित, विश्वसनीय ते समावेशी ढांचे लेई अंतर्राष्ट्रीय सहयोग दा आह्वान कीता। सुरक्षा मामलें लेई जिम्मेदार उच्च स्तरी अधिकारिये दी 12मीं अंतर्राष्ट्रीय बैठक दे

मौके पर डोभाल होरें ब्राजील दे राष्ट्रपति हुंदे मुख सलाहकार सेल्सो अमेरिम हुंदे कन्नै दपक्खी बैठक कीती जिस दौरान आपसी हितें दं दपक्खी, इलाकाई ते कुल संसारी सतह दे मुद्दें पर चर्चा कीती गई। श्री डोभाल होरें रूसी संघ दी सुरक्षा परिषद दे सचिव निकोलाई पात्रुशेव हुंदे कन्नै दपक्खी बैठक बी कीती। डोभाल होरें अपने म्यांमार दे जोड़ीदार एडमिरलमो आंग हुंदे कन्नै दपक्खी बैठक कीती ते म्यांमार दी मजूदा स्थिति ते उत्थे भारत आस्सेआ चलाई जा रदी बुनियादी ढांचा परियोजनाएं बारै चर्चा कीती। उनें भारत ते म्यांमार दे बन्ने पर हाल च होई दिएं घटनाएं पर बी गल्लबात कीती।

<><><><><><>

I&B-AVIA

केंद्रीय सूचना ते प्रसारण सचिव संजय जाजू ते भारतीय दूर संचार नियामक प्राधिकरण दे अध्यक्ष अनिल कुमार लाहोटी होरें मुम्बई च एशिया वीडियो इंडस्ट्री एसोसिएशन AVIA Future of video india सम्मेलन दा उद्घाटन कीता। इस मौके पर जाजू होरें आखेआ जे सूचना ते प्रसारण मंत्रालय भारतीय मीडिया ते मनोरंजन उद्योग गी 10 ज्हार करोड़ अमरीकी डालर दा इक मजबूत बजार बनाने आस्तै प्रेरित करा रदा ऐ जेड़ा एहदे मौजूदा अंदाजन मूल्यांकन 28 सोयां 30 अमरीकी डालर सोयां बड़ा मता ऐ। केबल टैलीविजन नेटवर्क अधिनियम 1995 गी प्रतिस्थापित करने आले प्रसारण सेवा विधेयक 2023 पर बोलदे होई जाजू होरें आखेआ जे एहदा मकसद नियामक प्रक्रियाएं गी सु-व्यवस्थित करना ते बक्ख-बक्ख सेवाएं ते सेवा उपलब्ध करोआने आलें गी बरोबर मौका देना, तकनीकी दे बक्ख-बक्ख पैहलुएं गी ध्यान च रखदे होई सारी उभरदी तकनीकें आस्तै मौके उपलब्ध करना, सरबन्धी धड़ें कन्नै जुड़े दे व्यवसायिक ढांचे ते आम समस्याएं पर ध्यान केंद्रित करना ऐ। इस मौके पर TRAI दे चेयरमैन अनिल कुमार लाहोटी होरें आखेआ जे इक नियामक दे तौर पर TRAI दी भूमिका बगैर कुसै फर्कोफर्की दे सब्बनें सरबन्धी धड़ें गी बरोबर मौके प्रदान करना ऐ।

<><><><><><>

ECI-Complaint

भारतीय चुनाव आयोग नै बीजेपी ते कांग्रेस दे स्टार प्रचारकें आस्सेआ आदर्श आचार संहिता दी कथित खलाफवर्जी दा संज्ञान लैत्ता ऐ। चुनाव आयोग नै बीजेपी दे प्रधान जे.पी नड्डा ते कांग्रेस दे प्रधान मल्लिकार्जुन खड्गे गी चिट्ठियां लिखियै उनेंगी इस म्हीने दी 29 तरीक दिने 11 बजे तगर एहदे पर अपना जोआब देने लेई बी आखेआ ऐ। इनें चिट्ठिं च चुनाव आयोग नै सब्बनें स्टार प्रचारकें गी निर्देश दित्ते न जे ओह राजनीतिक मर्यादा दे उच्चे मानक बरकरार रक्खन ते आदर्श आचार संहिता दे प्रावधानें दी पालमा यकीनी बनाना। कांग्रेस, सी.पी.आई ते सी.पी.आई (एम) नै अपनी शकैतें च बीजेपी दे सीनियर नेता आस्सेआ राजस्थान च दित्ते गेदे चुनावी भाषण उप्पर ऐतराज जताया ऐ। तोआई बीजेपी नै अपनी शकैत च कांग्रेस नेता आस्सेआ केरल दे कोटय्यम च दिनें गेदे भाषण पर ऐतराज जताया ऐ।

<><><><><><>

RS.Oath

राज्यसभा दे चेयरमैन जगदीप धनखड़ होरें राज्यसभा लेई चुने गेदे सदस्यें गी अज्ज संसद भवन च सगंध चुकाई। उनें देवेन्द्र प्रताप सिंह, तेजवीर सिंह ते महेन्द्र भट्ट होरें गी सगंध चुकाई।

<><><><><><>